

Er ist auch ein mensch gewesen/von natürlichen Eltern nach Adamsbild gezeuget/Gen. 5. in sünden empfangen / Psal. 51. Daher ist sein leben wie des Patriarchen Jacobi/ eine walfarth gewesen/Ge. 47. Nackend wird ein Mensch von Mutterleibe geboren/nackend mus er wider dahin fahren/ Job. 1. v. 22. Der Mensch vom Weibe geboren / lebet kurze zeit/vnd ist voller vnruh / gehet auff wie eine Blum vnd sellet ab / fleucht wie ein schatten vnd bleibet nicht / Hiob. 14.

Wir klagen vnd weinen mit Mose vnd Dauid / das macht dein zorn das wir so vergehen/vnd dein grimm das wir so plötzlich dahin müssen/ denn vnser missethat stellestu für dich/ vnd vnser vnerkante sünde ins liecht für deinem Angesicht/Psa. 90. v. 8. & 9.

A.

Dieweil aber vnser seliger Herr / in waren erkentnis Gottes vnd seines Heilandes Jesu Christi entschlaffen/ So trösten wir vns auch billich widerumb / das er mit Simeone sey im friede heimgefahren / Lu. 2. er sey durch den zeitlichen tod hindurchgedrungen / ins ewige leben/ Joha. 5. wie wir zukünfftig weiter hören werden.

E.

Vnd so viel hab ich zu diesemmal aus Gottes wort von der sünden solt / dem alten bund / vnd vnser grossen schuld/lehren vnd handeln wollen/damit wir die rechte vrsach erkennen vnd verstehen lernen/

D

wo